

Bosna i Hercegovina
Federacija Bosne i Hercegovine
Tuzlanski kanton
Općina Sapna
Općinski načelnik

Broj: 01-11-1086/2026
Datum: 03.06.2026. godine

PREDMET: Obavještenje o rezultatu postupka javne nabavke,

Na osnovu člana 71. Zakona o javnim nabavkama (Službeni glasnik BiH", broj 39/14, 59/22 i 50/24), obavještavamo Vas da smo u postupku javne nabavke usluga „Izrada elaborata eksproprijacije zemljišta istočnog dijela Regulacionog plana za stambeno-poslovnu zonu „Centar“ u Sapni“, donijeli odluku o poništenju postupka javne nabavke.

Prilog:

- Odluka o poništenju postupka javne nabavke

Dostavljeno:

1. "INVEST GROUP BH" d.o.o. Sarajevo,
2. Na web stranicu općine Sapna,
3. a/a



OPĆINSKI NAČELNIK

Zudin Mahmutović

Bosna i Hercegovina
Federacija Bosne i Hercegovine
Tuzlanski kanton
OPĆINA SAPNA
Općinski načelnik

Broj: 01-11-1086/2026
Datum: 03.06.2026. godine.

Na osnovu člana 69. stav 2. tačka d), člana 70. stav 1, 4. i 6. Zakona o javnim nabavkama („Službeni glasnik BiH“, broj: 39/14, 59/22 i 50/24), člana 41. Statuta Općine Sapna („Službeni glasnik Općine Sapna“, broj: 6/07, 8/09 i 3/12), Općinski načelnik d o n o s i

ODLUKU o poništenju postupka javne nabavke

Član 1.

Poništava se postupak javne nabavke usluga u predmetu „Izrada elaborata eksproprijacije zemljišta istočnog dijela Regulacionog plana za stambeno-poslovnu zonu „Centar“ u Sapni“, iz razloga što u predmetnom postupku nije dostavljena nijedna prihvatljiva ponuda.

Član 2.

Za izvršenje ove odluke zadužuje se Služba za privredu, budžet i finansije.

Član 3.

Ova Odluka objaviće se na web stranici www.opcinasapna.ba istovremeno sa upućivanjem iste ponuđaču koji je učestvovao u postupku javne nabavke, shodno članu 70. stav 6. i 71. stav 2. Zakona o javnim nabavkama Bosne i Hercegovine.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 01-11-1086/2026 od 21.05.2026. godine za nabavku usluga „Izrada elaborata eksproprijacije zemljišta istočnog dijela Regulacionog plana za stambeno-poslovnu zonu „Centar“ u Sapni“. Javna nabavka je provedena putem konkurentskog zahtjeva za dostavu ponuda. Procjenjena vrijednost javne nabavke bez PDV-a iznosila je: 2.600,00 KM (slovima: dvijehiljadešeststotina i 00/100 KM). Obavještenje o nabavci broj: 606-7-2-57-3-31/26 objavljeno je na Portalu javnih nabavki dana 21.05.2026. godine, zajedno sa Tenderskom dokumentacijom.

Komisija za javnu nabavku imenovana je Rješenjem broj: 01-11-1086/2026 od 01.06.2026. godine. Krajnji rok za prijem ponuda bio je 01.06.2026. godine do 13:00 sati. Do isteka krajnjeg roka zaprimljena je 1 (jedna) blagovremena ponuda ponuđača "INVEST GROUP BH" d.o.o. Sarajevo, dok neblagovremenih ponuda nije bilo.

Komisija za javnu nabavku je dana 01.06.2026. godine u 13:30 sati započela postupak otvaranja, pregleda i ocjene ponuda, te je nakon detaljne analize utvrdila da jedina pristigla ponuda ponuđača "INVEST GROUP BH" d.o.o. Sarajevo nije prihvatljiva. Naime, Tenderskom dokumentacijom je u svrhu dokazivanja profesionalne sposobnosti iz člana 46. Zakona o javnim nabavkama BiH (ZJN) zahtijevano dostavljanje Aktuelnog izvoda iz sudskog registra koji nije stariji od tri mjeseca od dana objave obavještenja o nabavci. Uvidom u ponudu, utvrđeno je da je ponuđač dostavio Aktuelni izvod broj: 065-0-ReGZ-24-003619 od 21.03.2024. godine. Budući da je dostavljeni dokument značajno stariji od propisanog roka, ponuđač nije dokazao kvalifikovanost u pogledu profesionalne sposobnosti, te je njegova ponuda na osnovu člana 68. stav (4) ZJN-a odbačena kao neprihvatljiva.

Odredbom člana 69. stav (2) tačka d) Zakona o javnim nabavkama Bosne i Hercegovine propisano je: "Ugovorni organ obavezan je poništiti postupak javne nabavke u slučaju da nijedna od primljenih ponuda nije prihvatljiva".

Uvidom u Zapisnik o pregledu i ocjeni ponuda broj: 01-11-1086/2026 od 03.06.2026. godine, Komisija za javnu nabavku je jednoglasno utvrdila da u predmetnom postupku nema prihvatljivih ponuda, te je uputila prijedlog Općinskom načelniku za donošenje Odluke o poništenju postupka javne nabavke.

Općinski načelnik u postupku donošenja ove Odluke nije našao nepravilnosti niti propuste u radu Komisije, koji bi eventualno bili osnov za neprihvatanje Preporuke. Ocijenjeno je da je Komisija u svemu pravilno postupila, te da je ocjena jedine pristigle ponude i predloženo poništenje postupka izvršeno u potpunosti u skladu sa Zakonom o javnim nabavkama BiH, podzakonskim aktima i Tenderskom dokumentacijom.

Iz naprijed navedenih razloga, primjenom člana 69. stav (2) tačka d) Zakona o javnim nabavkama Bosne i Hercegovine, odlučeno je kao u dispozitivu ove odluke.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi Bosne i Hercegovine, putem ugovornog organa. Žalba se podnosi u roku od pet dana od dana prijema ove odluke, direktno ili preporučenom poštom na adresu: Općina Sapna, Ul. 206. Viteške brigade bb, 75411 Sapna. Žalba se podnosi u najmanje 3 (tri) primjerka. Visina takse za žalbu propisana je članom 108. Zakona o javnim nabavkama BiH.

Dostavljeno:

1. "INVEST GROUP BH" d.o.o. Sarajevo,
2. Na web stranicu općine Sapna,
3. a/a



OPĆINSKI NAČELNIK

Zudin Mahmutović